



UNIVERSITÄTS-
BIBLIOTHEK
PADERBORN

Universitätsbibliothek Paderborn

Asiaticae Historiae Societatis Iesv Pars ...

Libris Quatuor Comprehensa: Vbi praeter res gestas à Patribus Societatis Iesv in conuersione Sinarum, Cocincinae, & Tunchini Regnorum nihil omittitur eorum, quae possunt liberali placere Lectorum curiositati

Bartoli, Daniello

Lvgdvni, 1670

92. Pailenses ieiunatores, vix vlli etia[m] miracul. conuersi.

urn:nbn:de:hbz:466:1-10757

infamibus Europæorum spectaculis Christi fidem, restitueret in famæ suæ gradum.

His Sciaocensis Ecclesiæ incrementis, feliciter admodum succedebant profectus regni Nanchinensis, prosperante Deo labores Catanei, & Rocchæ; Lutrati diuino baptizate cum numerosis familiis Mandarini, comminuta absque numero simulachra, ac non sine occulto gratiæ diuinæ prodigio, in depontanis potissimum senibus, quos cum ad primam stragis huiusmodi indictionem horror inuaderet, & inueteratus aitorum Deorum cultus, atque amor abominaretur hanc eorum iniuriam; mox Dei gratia instincti; proculcabant illos per sese conciliosque in frustra proiciebant ex ædibus in quibus annos sexaginta, & plures, thure ac precibus illos quotidie adorabant: nec minus admirandum quod nostro in sacello pedibus Sacerdotis aduoluerentur Mandarini peccata confessuri, & promiscuè ibidem cum proletariis audirent, orarent, sacris interessent, quæ ab animante matura superbo, præter humilitatem Christianam vis nulla euicisset. Sed mirabilior quo insperatior & pronior facultas erudiendi feminas doctrina Christiana, etiam rogatu maritorum; & fuere quæ viros ad baptismum præterent, secumque familiam traherent; adeoque Sinas nunc Zelotypos iusta occupat sanctimoniam Christianam existimatio, & fiducia nostrorum, vt faciliè sinerent doceri eas non modo necessaria ad salutem; verum etiam audiri confitentes. Etsi autem Nanchini regia, immensum nostris explicabat campum, excursionibus tamen in vicina, regnam Christi multis locis obsecundante Dei auxilio fundarunt. Iamque vno in oppido sacellam publicè dedicarant, cui partem suarum ædium Martha tribuerat pietatis egregiæ matrona, quæ nouo profus inter Sinas exemplo cogebat illuc omnes Christianos ad repetitionem doctrinæ Christianæ, quæ illis instar concionum esset. Sed Patrum conatibus, Deique ipsius prodigiôsæ gratiæ Paileum ingrâte respondit, est hoc fermè ad Nanchini muros oppidum sanè diues, & frequens; illie mensem iam sextum iacebat idololatra membris captus, lectoque affixus, qui vt de Parribus rescivit, cæli dominum, eiusque adorationem tum Pallei, tum circumferentibus, misit qui efflictim rogarent ne grauarentur ad se accedere; auditis communibus salutis æternæ principis, Christianum se statim profiteretur; imbuitur plenius distincta fidei disciplina, & proluente animum vitali aqua, sentit nouo vigore membra emortua peruadi, & reuiuiscere, ac fiduciam facere integræ qua paulo post valuit, sanitatis. Pallei vulgata res, magnitudine miraculi perculit vniuersos, ab iis præterea nihil extorsit, idololatriæ scilicet quantò melioribus tantò peioribus. Commune habent cum cæteris vaporare suffitu idola, & ea adorare; singulare autem ex quo Ieiunantes vocitantur, eadem simulachra votiuo in omnem vitam ieiunio colere; nulla aut festi; aut morbi, etiam lethalis exensatione, & exceptione; solis autem pomis, leguminibus &

91.
Pailenses ieiunatores,
vix vlli etiã
miracul. con-
uersi.

oletibus, id ieiunium exigunt, sed quam multis, & quoties lubet, carne pisceque dumtaxat se abstinent. Conueniunt in sodalitia, ubi suam exercent superstitiosam pietatem, peregrinationibus se frangunt longinquis, & difficillimis ad varia idola, & optati summam ex iis praemij, in magnitudine suscepti periculi reponunt. Est vero id praetium admissorum venia scelerum, & mors suo digna rediuuo in familia nobili, & in corpore Literati ingenium gradumque adepturo; si minus in boue utili, aut praestanti equo; sceleratos enim in tigres & lupos, serpentisque renasci somniant, aut in vermes, & pulices, & istiusmodi putres, vilesque seminat. Quamobrem cauent diligentissime, a nece viuentis cuiuslibet, ne forte hominem in eo interimant: quem primum Patres ad Christum perduxere in suburbanis Nanchino pagis agricola fuit, vir simplicissimus, cui difficile non erat diuina mysteria assentiri, & legis divinae obseruatione sese obstringere, aut ubi ventum est ad ieiunium soluendum quod triginta iam annos ducebat inuiolatum, hic vero diu operose certatum; necdum enim satutum videbatur, tenera illorum fidei credere ut continuarent ex amore Christi quod instituerant ex honore idoli. Harebat attonitus ad sanationem nurus, & vxoris, quarum illa ex aqua intercute, ex alio morbo baptisini ope haec conualuerat; imperare tamen sibi non poterat, ut suum illud ieiunium stolidum auelli sibi pateretur, nec sanioris animi spem ullam dabat quoad vnus ex Patribus ad hoc data opera cum eo accumbens ita hominem dicendo, precando, conuincendo versauit, ut carnis frustulum glutiret, quo stulti ieiunij tam repente solutum discussumque est philtum, ut si nunquam antea ieiunasset, vna igitur cum filio familiaeque omni, absque mora expiatus est Christi baptisinate, fecitque palam falsarum virtutum difficultates speciosas, plus idololatriae interdum obesse ne Christiani fiant, quam licentiam vitiorum, dum ad laxiora vocari se somniant, maluntque salutis suae summam in crudo daemoniorum obsequio, quam in suavi Christi iugo reponere. Sic Pailensibus miseris euenit apud quos claro baptisimi vnus prodigio soluta paralytis omnes mouit, neminem conuertit. Sed sterilitatem eius soli, aliorum pagorum pensauit feracitas, quam tamen auarum non timide dixerim, si Mandarini Nanchinensis conuersioni comparetur, cui parem Ecclesia illa non habuit seu dignitate (erat enim Colaus) seu vitae sanctimonia, & exemplo, rerumque gloria maximarum quas bono, ingenti Christianitatis annorum spatio triginta constanter gessit. Gentilis erat familiae Siu, Schiambaj oriundus, dierum octo itinere ab vrbe Nanchino, inter Literatos eximius ingenio perspicax, bonam animam sortitus, & morum dotibus abunde praeditus quas ambit Sinarum sanctitas; verum sectam amauerat eandem quam reliquis Literatorum ordo, qui seposita diuinorum, & aeternorum cura, toti sunt in cultu politico, & se in angusta circuli eius infelicissimi inopia, magnifice vertunt. Sed is sensum tam vilem nequibat

93.
Conuersione
Mand Pauli.